

Beat Jost/Beat Jäggi

Chinderöigli

d', b, f, f (B-Dur) (2 st.Jodel,)

1.T. 2.T 1.B 2.B.

Zwöi Chinderöigli glänze zum
chlyne Wiegli uus. Mir hei zwöi
nöji Liechtli i üsem alte Huus.
Mir hei zwöi nöji Liechtli i üsem
alte Huus.

Sie lüchte wie zwei Cherzli,
nei schöner dunkt's mi no. Jo,
s'chönte chum zwöi Stärnli so
schön am Himmel stoh. . Jo,
s'chönte chum zwöi Stärnli so
schön am Himmel stoh.

I lueg em töif i d'Öigli, mim
liebe chlyne Chind. I weiss, die
sälbe Liechtli verlösche vo keim
Wind. I weiss, die sälbe Liechtli
verlösche vo keim Wind.